



Գործ ԵԴ/64851/02/22

**Ո Ր Ո Շ Ո Ւ Մ**

**հայցադիմումը վարույթ ընդունելու և պատասխանողից  
ապացույցներ պահանջելու մասին**

03.01.2023թ.

ք.Երևան

Երևան քաղաքի ընդհանուր իրավասության դատարանի դատավոր՝ Էդ. Ամալյանս ծանոթանալով՝ «Իրավաբան Էյ Էմ» սահմանափակ պատասխանատվությամբ ընկերության անունից ներկայացված հայցադիմումին ընդդեմ պատասխանողներ՝ ՀՀ Արդարադատության նախարարության, ՀՀ Ֆինանսների նախարարության՝ ՀՀԱՆ-ԲՄԽԾԲ-ԻԽՆ-22/28 ծածկագրով բաց մրցույթի գնահատող հանձնաժողովի արձանագրությունը և որոշումը անվավեր ճանաչելու պահանջների մասին՝

**Պ Ա Ր Ձ Ե Ց Ի**

Հայցվորի անունից 13.12.2022թ.-ին (փոստային կապի ծառայությանն է հանձնվել) հայց է ներկայացվել Երևան քաղաքի ընդհանուր իրավասության դատարան (այսուհետ նաև՝ Դատարան):

Հայցադիմումը 13.12.2022թ.-ին մակագրվել է դատավոր Էդ. Ամալյանին, դատավորի աշխատակազմին է հանձնվել 19.12.2022թ.-ին:


Դատավոր Էդ. Ամալյանը 21.12.2022թ.-30.12.2022թ.-ը ներառկալ գտնվել է ժամանակավոր անաշխատունակության մեջ:

Հայցվորի կողմից ներկայացված հայցադիմումում պահանջվել է ՀՀ քաղաքացիական դատավարության օրենսգրքի 121-125-րդ հոդվածների և 27.2-րդ գլխով սահմանված պահանջները:

ՀՀ քաղաքացիական դատավարության օրենսգրքի 234.6-րդ հոդվածի 2-րդ մասի համաձայն՝ Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Նույն հոդվածի 3-րդ մասի համաձայն՝ Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում:

Սույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:



Վերոգրյալի հիման վրա և ղեկավարվելով ՀՀ քաղաքացիական դատավարության օրենսգրքի 125-րդ, 199-րդ, 200-րդ հոդվածների 27.2-րդ գլխի իրավական կարգավորումների պահանջներով՝

### Ո Ր Ո Շ Ե Ց Ի

Հայցադիմումն ընդունել վարույթ:

Պատասխանողներից պահանջել ՀՀ քաղաքացիական դատավարության օրենսգրքի 234.6-րդ հոդվածի 2-րդ մասով սահմանված ապացույցները՝ այն է՝ սույն գործով գնման գործընթացի հետ կապված պատասխանողի տիրապետման տակ գտնվող բոլոր ապացույցները:

Որոշումն ուժի մեջ է մտնում ընդունման պահից:

ԴԱՏԱՎՈՐ՝



Էդ. Ամալյան